

REFERAT TAA - Teknikkeqarnermut Avatangiisinullu Ataatsimiititaq d. 28-01-2026

Mødedato Onsdag d. 28. januar 2026 kl. 19:00

Mødested Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	6
B-3118, Eqaluqalinnguit 76A, 3900 Nuuk najugaqarfittut atorneqarnerata ulloq unnuarlu paaqqinni	8
Kommuneqarfik Sermersuumi 2026-2032-mi Imermut errortuivikumut pilersaarut.....	11
Illoqarfiup ilaanut pilersaarutip, 3B1-4-A Pukuffik, inaarutaasumik akuersissutigineqarnera.....	14
Illoqarfiup ilaanut pilersaarutip 4B1-3-B Naternaq pillugu inaarutaasumik akuersissutigineqarnera..	17
Nuummi Takornariaqarnermut pilersaarut.....	20
Illoqarfiup ilaanut pilersaarutitut siunnersuut 1C32-C-1 Arsiffik – Ukaliusaq (USK) pillugu tamanu	23
Tamalaat.....	26
Imaqarniliap akuerineqarnera.....	28

Punkt .: Saqqaa

Ilaasortat

Uju Petersen (IA), siulittaasoq
Arnanguak Steenholdt (IA)
Nitta Lyberth-Mørch (IA)
Peter Davidsen (S)
Mala Høy Kúko (S)

Beslutning

Ataatsimeeqataasut

Uju Petersen (IA), formand
Nitta Lyberth-Mørch (IA)
Peter Davidsen (S)

Attaveqaatitigut peqataavoq

Arnanguak Steenholdt (IA)
Mala Høy Kúko (S)

Punkt .: Oqaluserisassat akuersissutigineqarneri

Beslutning

Oqaluserisassat akuersissutigineqarput.

Punkt .: Nalunaarutit

Beslutning

Nalunaaruteqanngilaq.

**Punkt 1: B-3118, Eqaluqalinnguit 76A, 3900 Nuuk najugaqarfittut
atorneqarnerata ulloq unnuarlu paaqqinnittarfittut
allanngortinneqarnissaanik immikkut ittumik qinnuteqaat**

Beslutning

Inassuteqaat akuersissutigineqarpoq.

Bilag

Nunaminertamik qinnuteqaat

Eqqaamiunik tusarniaaneq

Tusarniaanermut akissut

B-3118, Eqaluqalinnguit 76A, 3900 Nuuk najugaqarfittut atorneqarnerata ulloq unnuarlu paaqqinnittarfittut allanngortinneqarnissaanik immikkut ittumik qinnuteqaat

Aalajangiiffigisassaq
SagsID.: BOG-2020-21515-028
Ingerlatsivik - pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Teknikkeqarnermut Avatangiisinullu Ataatsimiititamat inassuteqaatigineqarpoq:

1. nunaminertamik atugassiinermi atuuffiup allanngortinneqarnissaa akuersissutigineqassasoq

Suliassamik saqqummiussineq

Sanarfinermut Avatangiisinullu Ingerlatsivimmit B-3118-ip, Eqaluqalinnguit 76A, 3900 Nuuk-imi inissisimasup najugaqarfittut atorneqarnerata ulloq unnuarlu paaqqinnittarfittut allanngortinneqarnissaanik immikkut ittumik qinnuteqaat tiguneqarpoq.

Immikkoortoq kommunimut pilersaarummut tapiliussami 3A2 – Eqalugalinnuani inissiaqarfik- imi ilaatinneqarpoq. Immikkoortup atorneqarnera inissiaqarfittut-imut aalajangersarneqarpoq.

Qinnuteqaammi ilaqutariit ataatsit illuattut atorneqartup isumaginninnikkut ulloq unnuarlu paaqqinniffittut atorneqalernissaanut allanngueq pineqarpoq. Illu B-3119 (allissutaa) paaqqinniffittut atorneqalereerpoq. Qinnuteqartup kissaatigaa, illut marluutillugit ulloq unnuarlu paaqqinniffittut ataatsimoortunngorlugit atorneqalernissaat.

Paaqqinnittarfik pioreersoq meeqqanut pingasunut inissaateqarpoq. Illu B-3118 ilanngunneratigut meeqqanik allanik marlunnik inissaqartitsisoqalissaaq, taamaalilluni paaqqinniffik meeqqanut atuartunut katillugit tallimanut 12-iniit 16-inut ukiulinnut inissaateqalissaaq. Paaqqinnittarfik ulloq unnuarlu sulisoqassaaq, suleqatigiit katillugit 12-iussallutik, taakkulu paarlakaattumik sulisassapput. Allanngunerup angallattoqarnerulernissaanik imaluunniit biilinik inissiivissanik ilaseqqinnissamik kinguneqarnissaa naatsorsuutigineqanngilaq

Qinnuteqaammut atatillugu tamanut tusarniaaneq piffissami 28. oktobarimiit 18. novembarimut 2025 ingerlanneqarpoq. Tusarniaanerup ingerlanerani piffissaq eqqorlugu tiguneqartunik pingasunik tusarniaanermut akissutinik tigusaqartoqarpoq, taakkulu qinnuteqaammut akerlilliissutinik pingaarnertut imaqarput. Tusarniaanermi akissutit pingaarnersaat tassaapput:

- Nipiliorneq toqqissisimannginnerlu, tassunga ilanngullugu eqqissisimanannginnerulernissaa ernummatigineqartoq
- Angallannermut tunngasut, tassunga ilanngullugu angallannerulernissaaq biilinillu inissiivissanik pisariaqartitsinerulernissaaq
- Inissiat naleqassusiinut sunniuteqarnissaa

Kommunimut pilersaarut 2036 malillugu tunngaviusumik inissiat 25-ugaangata paaqqinnittarfik ataaseq pilersinneqarsinnaassaaq. Sumiiffimmi ulloq unnuarlu paaqqinniffiit marluupput aamma inissiat immikkoortut 182-iupput.

Ingerlatsivimmit nalilerneqarpoq, paaqqinniffik sumiiffiup inissiaqarfiuneranut sunniutaanngitsumik naleqqussarneqarsinnaasoq, qinnuteqaammimi pineqartoq tassatuaammat pioreersumut



ilassutigalugu meeqqanik marlunnik ilasineq. Nalikinnerulernissaannut apeqqut pilersaarutitut nalilersuinermi ilaangilaq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaannik nalunaarut nr. 4, 25. januaari 2024-meersoq
- Kommunitut pilersaarut 2036

Ilangussaq

1. Nunaminertamik qinnuteqaat
2. Eqqaamiunik tusarniaaneq
3. Tusarniaanermut akissut

Punkt 2: Kommuneqarfik Sermersuumi 2026-2032-mi Imermut errortuivikumut pilersaarut

Beslutning

Inassuteqaat amerlanerussuteqartuniit (IA) akuersissutigineqarpoq.

Inassuteqaat ikinnerussuteqartuniit (Siumut) akuersissutigineqanngilaq.

Siumumit ikinnerussuteqartutut oqaaseqaat:

Qulequtaq taamak pingaaruteqartigisoq politikikkut anguniakkat ilanngullugit suliarineqartariaqartoq ataqatigiissaarneqarluni aamma minnerpaamik AIA-mut saqqummiunneqartariaqartoq, taamaalilluni politikikkut anguniakkat ilanngunneqarnissaannut periarfissiisoqassammat.

Bilag

Kommuneqarfik Sermersuumut imermut errortuivikumut pilersaarummut siunnersuut

Pilersaarutip ilaa kuuffissuit aaqqissugaanerat

Pilersaarutip ilaa anartarfilerineq

Pilersaarutip ilaa kuutsiffigisanut pissutsit



Kommuneqarfik Sermersuumi 2026-2032-mi Imermut errortuivikumut pilersaarut

Inoqarfinnut anginerusunut mikinerusunullu imermut errortuivikumut pilersaarummik nutaamik akuersissutiginninneq

Aalajangiiffigisassaq

SagsID.: EMN-2023-03880

Sanarfinermut Avatangiisinullu Ingerlatsivik – Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Teknikkeqarnermut Avatangiisinullu

Ataatsimiititamut inassuteqaatigineqarpoq:

1. 2026 – 2032-mi imermut errortuivikumut pilersaarut akuersissutigineqassasoq
2. pilersaarut Avatangiisinut Pinnngortitamullu Naalakkersuisumut nassiunneqassasoq
3. pilersaarut sapaatip-akunnerini arfineq-pingasuni tamanut tusarniaassutigineqassasoq
4. suliaq piffissaq tusarniaaffiusoq qaangiuppat suliareqqinneqassasoq
Kommunalbestyrelsimit inaarutaasumik akuerineqarnissaa ingerlateqqinneqarnissaalu siunertaralugu

Suliassamik saqqummiussineq

Avatangiisinut Eqqagassalerinermullu Immikkoortortaq imermut errortuivikumut pilersaarummut siunnersuummik suliaqarpoq, taannalu kommunimi inoqarfinnut tamanut tunngavoq. Ukiut arfinilikkaarlugit nutartertassaaq aamma inaarutaasumik akuerineqarnissaa sioqqullugu Naalakkersuisunut nassiunneqartassalluni tamanullu tusarniaassutigineqartassalluni.

Pilersaarummi nassuiaatigineqarput:

- kuuffissuaqarfiit aamma attaveqaataasigut pissutsit
- imermik errortuivikumik minguaatit pioreersut pilersaarutaasullu
- nutarterinissamut pisariaqartinneqartoq atuutilersitsinissamullu pilersaarut
- tigooraasumut pissutsit avatangiisinullu nalilersuinerit
- aningaasaqarneq pingaarnersiunerlu

Imermut errortuivikumut pilersaarut kommunimut pilersaarummut tulluarsagaavoq najukkamilu pissutsinut naleqqussagaalluni, aamma siunissamut qulakkeerinnissutaasumik avatangiisinullu illersorsinnaasumik imermik errortuivikumik passussisarneq qulakkiissallugu.

Ingerlatsivimmit aningaasatigut sulisoqarnikkullu naliliinerit

Pilersaarut piffissami 2026-2032-mi kuuffissuarmut, aserfallatsaaliinermut aamma anartarfilerinermut tunngatillugu pitsanngorsaanerit aningaasaliissutinik 95,8 mio koruunit missaaniittunik kinguneqarpoq. Ingerlatsivimmit nalilerneqarpoq, pilersaarummi anguniakkat anguniassallugit aningaasaliinissaq pisariaqartoq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppernarsaatillit

- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq



- Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juuni 2015-imeersoq

Ilanngussat

1. Kommuneqarfik Sermersuumut imermut errortuivikumut pilersaarummut siunnersuut
2. Pilersaarutip ilaa kuuffissuit aaqqissugaanerat
3. Pilersaarutip ilaa anartarfilerineq
4. Pilersaarutip ilaa kuutsiffigisanut pissutsit

Punkt 3: Illoqarfiup ilaanut pilersaarutip, 3B1-4-A Pukuffik, inaarutaasumik akuersissutigineqarnera

Beslutning

Inassuteqaat akuersissutigineqarpoq.


Bilag

Tusarniaanermut akissutininik suliaqarneq

Tusarniaanermi akissutit tiguneqartut

Allannguutininut takussutissaq

Illoqarfiup ilaanut pilersaarut 3B1-4-A Pukuffik



Illoqarfiup ilaanut pilersaarut, 3B1-4-A Pukuffik, inaarutaasumik akuersissutigineqarnera

Aalajangiiffigisassaq

SagsID.: EMN-2025-01285

Sanarfinermut Avatangiisinullu Ingerlatsivik - pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Teknikkeqarnermut Avatangiisinullu Ataatsimiititamut inassuteqaatigineqarpoq:

1. Illoqarfiup ilaanut pilersaarut 3B1-4-A Pukuffik akuersissutigineqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit illoqarfiup ilaanut pilersaarut 3B1-4-A Pukuffik matumuuna saqqummiunneqarpoq. Illoqarfiup ilaanut pilersaarut 3B1-4-A Pukuffik siunnersuutitut sapaatit akunnerini arfinilinni piffissami 10.09.25 – 22.10.2025-mi tamanut tusarniaassutigineqarpoq. Piffissami tusarniaaffiusumi tusarniaanermut akissuteqaatit arfineq-marluk tiguneqarput, taakkulu oqaaseqatigiinnik ataatsinik allannguuteqartitsinermik kinguneqartitsipput. Allannguutinut takussutissiaq ilanngussaq 3 takuuk.

Immikkoortup ilaanut pilersaarut una immikkuualuttunut pioreersunut kattunneqassaaq ataasingortillugu, soorluttaaq nunaminertat immikkoortup ilaatut pilersaarusioneqarsimanngitsut immikkoortup ilaanut sukumiisunik aalajangersagaliortoqassasoq. Pilersaarusionermi tunngavissaqarnikkut sumiiffimmi suliffeqarfiit alliffissaqarnissaat inaalitsivissaqarnissaallu periarfissaqalersinneqassapput. Tamatuma saniatigut nunaminertamik atuinermik immikkoortup ilaannut pioreersunut aalajangersakkat nutarterneqassapput.

Illoqarfiup ilaanut pilersaarut matuma 3B1-4-A Pukuffik akuersissutigineqarneratigut illoqarfiup ilaanut pilersaarut 3B1-3 Sarfaarsuit eqqaani inuussutissarsiuteqarfik atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit


Ingerlatsivimmi illoqarfiup ilaanut pilersaarummik suliaqarnissami ukioq naallugu suliffiit 1/5-it pisariaqartinneqassasut nalilerneqarpoq.

Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatiillit

- Pilersaarusioneq aamma nunaminertat atorneqartarnerat pillugit Inatsisartut inatsisissaannik nalunaarutaat nr. 4, 25. januaari 2024-meersoq
- Kommunitumut pilersaarut digitaliusoq www.kp.sermersooq.gl



Ilanngussaq

1. Tusarniaanermut akissutiniq suliaqarneq
2. Tusarniaanermi akissutit tiguneqartut
3. Allannguutitut takussutissaq
4. Illoqarfiup ilaanut pilersaarut 3B1-4-A Pukuffik

Punkt 4: Illoqarfiup ilaanut pilersaarutip 4B1-3-B Naternaq pillugu inaarutaasumik akuersissutigineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutininik suliaqarneq

Tusarniaanermi akissutit tiguneqartut

Allannguutininut takussutissaq

Illoqarfiup ilaanut pilersaarut 4B1-3-B Naternaq pillugu



Illoqarfiup ilaanut pilersaarutip 4B1-3-B Naternaq pillugu inaarutaasumik akuersissutigineqarnera

Aalajangiiffigisassaq

SagsID.: EMN-2025-00493

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Teknikkeqarnermut Avatangiisinullu Ataatsimiititaq inassuteqaatigineqarpoq:

1. Naternaq eqqaaniittoq pillugu illoqarfiup ilaanut pilersaarut 4B1-3-B akuersissutigineqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit illoqarfiup ilaanut pilersaarutit siunnersuut 4B1-3-B Naternaq matumuuna saqqummiunneqarpoq.

Illoqarfiup ilaanut pilersaarut 4B1-3-B Naternaq siunnersuutit sapaatip-akunnerini arfinilinni tamanut tusarniaassutigineqarpoq, piffissami 11.06.25 – 23.07.25-mi. Piffissami tusarniaaffiusumi tusarniaanermut akissuteqaatit 7 tiguneqarput, taakkulu oqaaseqatigiinnik allannguuteqartitsinernik 0 kinguneqarput. Tamanut tusarniaanerup saniatigut sumiiffimmi sisoortoqaratarsinnaaneranut tunngasumik suliffeqarfiup avataaneersumit ingerlanneqartumik misissueqqissaartoqarpoq. Misissueqqissaarnermi innersuussutit tunngavigalugit siunnersuusioqqaartoqarneranut sanilliullugu sumiiffimmi atuinissaq annikillisinneqarpoq.

Immikkoortup ilaa 4B1-3 inuussutissarsiorfittut atugassiissutigineqarpoq aamma 12 ha. missaannik annertussuseqarpoq. Immikkoortoq illoqarfiup immikkoortuani Qinggorput inissisimavoq. Matumani illoqarfiup ilaanut pilersaarut immikkoortup ilaanut B-mut atuuppoq.

Illoqarfiup ilaanut pilersaarummi matumani siunertarineqarpoq Nuummi angallatinut inissiivimmik ataatsimoortumik aamma siunissamat qulakkeerinnissutaasumik pilersitsisoqassasoq. Illoqarfiup ilaanut pilersaarufiusoq 1 ha.-imik angallatinut inissiivioreersoq ataatsimoortillugu annertuneruvoq. Alliliinermit siunertarineqarpoq inissiivissanik assigiinngitsunik amerlasuunik piumanerulerneq aaqqiissuteqarfiginissaa aamma inissiivissat siunissami periarfissaqartinnissaat qulakkeerneqarnissaat. Siunnersuummi immikkoortoq atugassanngortinniarneqarpoq taamaalilluni inissiivik aaqqissuussaalluartumik aamma ajornanngippat torersumik ingerlanneqassamat.

Matumani illoqarfiup ilaanut pilersaarutip 4B1-3 B-p akuerineqarneratigut aalajangersakkanik atuuttunik atorunnaarsitsisoqanngilaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi immikkoortumut pilersaarummik siunnersuummik suliaqarnissami ukioq naallugu suliffiit 1/4 pisariaqartinneqassasut nalilerneqarpoq.



Missingersuusionermut Naatsorsuusionermullu Immikkoortortamit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Pilersarusiorneq aamma nunaminertat atorneqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq
- Kommunitumut pilersaarut digitaliusoq www.kp.sermersooq.gl

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Allannguutininut takussutissaq
4. Illoqarfiup ilaanut pilersaarut 4B1-3-B Naternaq pillugu

Punkt 5: Nuummi Takornariaqarnermut pilersaarut

Beslutning

Inassuteqaat akuersissutigineqarpoq.

Bilag

Nuummi Takornariaqarnermut pilersaarut

Nuummi Takornariaqarnermut pilersaarut

Nuummi takornariaqarnermut suliniutinut atugassarititaasunut pilersaarut

Aalajangiiffigisassaq

SagsID.: EMN-2025-00850

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Teknikkimut Avatangiisinullu Ataatsimiititamut inassuteqaatigineqarpoq:

1. Nuummi takornariaqarnermut suliniutinut atugassarititaasunut pilersaarut akuersissutigineqassasoq
2. suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit Inuusutissarsiornermut Immikkoortortaq suleqatigalugu Nuummi takornariaqarnermut pilersaarut saqqummiunneqarpoq. Pilersaarummi takornariaqarnermut ineriartortitsineq tapersorsorniarlugu atugassarititaasunik najoqqutassat aalajangersarneqarput. Pilersaarummi takornariaqarnermut suliniutinut nunaminertanik atugassiisarneq kiisalu nunaminertamik atugassiisarneq pingaarnersiuissarnerlu pillugit atugassarititaasunut najoqqutassat qulakkeerneqarnissaat siunertaavoq.

Pilersaarummi sunik nunaminertanik pisariaqartitsisoqarnersoq, atuuffiit suut sumi inissinneqassanersut, kiisalu piffissamut sivikitsumut, akunnattumik sivilissusilimmumut aamma piffissap ungasinnerusumut tulleriarnermut pilersaarut nassuiaatigineqarput. Erseqqissaatigineqassaaq suliniutit tamarmik pisortanik aningaasaliiffigineqartariaqanngitsut, pissutigalugu nunaminertamik atugassiinerit suliniutissatullu pilersaarutit namminersorlutik suliaqartartunut periarfissiisuullunilu najoqqutassiisuummata.

Suliniutit pingaarnertut pilersaarummi tassa tamakkiisumik pilersaarummi saqqummiunneqarput, immikkoortunilu pingasuni ukkataqarfiusuni sukumiisumik nassuiaatigineqarlutik: illoqarfiup oqaluttuassartaa, kulturi nutaaliaasoq aamma nunap timaanut aqquutit ittoq.

Suliniutissatut siunnersuutini ilaapput ikorfartuutaasinnaasut annikitsut, soorlu issiaviit takisuut, isikkiviit aamma allagartat paasisutissiiviit, illut angissutsimikkut akunnattut soorlu bussinik unittarfiit, tamanut perusersartarfiit, takornarianut paasisutissiiviit aamma pavillonit/tuniniaaviit kiisalu atortuutit annerit soorlu sammisassaqartitsiviit, kulturimut tunngasunik isiginnaartitsiviit, tikeraat ornittagaat aamma tikikkuminassutsimut iseruminartuutitsinissamullu aqqissuussat.

Tulleriarnermut pilersaarut aqutsinermut atortussiaavoq, tassunga tunngatillugu ineriartortitsinermi pisariaqartitat aamma sulisoqarnikkut aningaasaqarnikkullu inissisimaneq aallaavigalugu suliniutinik nutaanik atuutilersitsisarnermi pingaarnersiuinissaq qulakkeerneqartassaaq.

Pilersaarut siumoortumik tamakkiisumik sumiiffinnilu misissueqqissaarnerit kiisalu Takornariaqarnermut attaveqaatinik peqataatitsineq ulloq 17. juuni 2025-mi aamma innuttaasunik peqataatitsineq ulloq 28. aggusti 2025-mi tunngavigalugit suliarineqarpoq. Isumassarsiat paasisutissallu tunniussuunneqartut matumani pilersaarutit siunnersuummi ilanngunneqarput.



Pilersaarut Kommunimut pilersaarut 2036-mut tapertaassaaq, pilersaarutillu kingunerisaanik Kommunimut pilersaarummut ilaassutissamik suliaqartoqassaaq, taamaalilluni nunaminertat atugassiissutissatut aamma ineriartortitsinissamut suliniutitut siunnersuutit pilersaarusionerqarnissaat qulakkeerqassaaq. Tamatuma saniatigut pilersaarut kommunimi periusissiatut aalajangersakkanut politikkinullu, tassunga ilanngullugit pilersaarusionerqarnissaat aamma takornariaqarneq pillugu politikki, tapertaavoq.

Ingerlatsivimmit aningaasatigut sulisoqarnikkullu naliliinerit

Pilersaarusionerq Inuusutissarsionerq Immikkoortortaq peqatigalugu aningaasaliiffigineqarpoq. Ingerlatsivimmit ukioq naallugu suliaqarnerit 1/5-it nalingi atorqarput naatsorsuutigineqarlunilu kommunimut pilersaarutip aaqqissuunneranut taamatut atuisoqassasoq.

Missingersuusionerq Naatsorsuusionerq Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatillit

- Pilersaarusionerq aamma nunaminertat atorqarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq
- Kommunimut pilersaarut 2036
- Pilersaarusionerq periusissiatut 2023
- Takornariaqarneq pillugu politikki
- Illoqarfiit pingaarnersaat pillugu periusissiatut Nuuk 2035

Ilanngussat

1. Nuummi Takornariaqarneq pilersaarut

Punkt 6: Illoqarfiup ilaanut pilersaarutitut siunnersuut 1C32-C-1 Arsiffik – Ukaliusaq (USK) pillugu tamanut tusarniaaneq

Beslutning

Inassuteqaat akuersissutigineqarpoq.

Bilag

Illoqarfiup ilaanut pilersaarut 1C32-C-1 Arsiffik – Ukaliusaq (USK) pillugu siunnersuut

Illoqarfiup ilaanut pilersaarutit siunnersuut 1C32-C-1 Arsiffik – Ukaliusaq (USK) pillugu tamanut tusarniaaneq

Aalajangiiffigisassaq

SagsID.: EMN-2026-00078

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Teknikkeqarnermut Avatangiisinullu Ataatsimiititaq inassuteqaatigineqarpoq:

1. Illoqarfiup ilaanut pilersaarutit siunnersuut 1C32-C-1 Arsiffik – Ukaliusaq (USK) sapaatip-akunnerini arfinilinni tamanut tusarniaassutigineqarnissaa akuersissutigineqassasoq
2. suliap tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut ilisimatitsissutit ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit illoqarfiup ilaanut pilersaarutit siunnersuut 1C32-C-1 Arsiffik – Ukaliusaq (USK) matumuuna saqqummiunneqarpoq.

Immikkoortup ilaa 1C32 Arsiffik qitiusoqarfimmit immikkoortuuvooq, 4,3 ha-it missaannik annertussuseqartoq. Immikkoorto Nuup qeqqata ilaaniippoq, Kongevejip avannaani H. J. Rinksvejip eqqaani Blok 5-10-ip kujataani. Illoqarfiup ilaanut pilersaarummiippoq immikkuualuttoq nutaaq C immikkoortup ilaata kujammut kangiata isuaniittoq. Illoqarfiup ilaanut pilersaarut sukumiisumik pioreersunik aalajangersaaffigineqarsimangitsumut pilersaarutaavoq.

Immikkoortup ilaanik C-mik atugassiinikkut illut pioreersut B-1281 aamma B-1396-p isaterneqarsinnaalissapput tamanillu atorneqarsinnaasunik nutaanik sanaartortoqarsinnaalissalluni, ilanngullugit peqqinnissaqarnermut atuuffiit soorlu kigutileriffik. Immikkoortumi immikkoortullu ilaani C-mi nutaanik atuinissami pilersaarutit pioreersut isiginiarneqassapput minnerunngitsumillu tamatuma eqqaani sanaartukkat portussusaat assigiinngitsut isiginiarneqarlutik. Ulluunerani paaqqinnittarfimmit Naasunit avannaanut inissiaqarfinnut ammasunut pukkitsunullu ataasiinnarmik quleriilinnut kangimut nutaanik inissiaqarfinnut sisamanik quleriilinnut kujammut.

Siunnersuut sapaatip akunnerini arfinilinni tamanut tusarniaassutigineqassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi immikkoortumut pilersaarummik siunnersuummik suliqaarnissami ukioq naallugu suliffiit 1/4 pisariaqartinneqassasut nalilerneqarpoq.

Missingersuusiornermut naatsorsuusiornermullu immikkoortortamit aningaasatigut nalililneq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit



- Pilersarusiorneq aamma nunaminertat atorneqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq
- Kommunitut pilersaarut digitaliusoq www.kp.sermersooq.gl

Ilanngussat

1. Illoqarfiup ilaanut pilersaarut 1C32-C-1 Arsiffik – Ukaliusaq (USK) pillugu siunnersuut

Punkt .: Tamalaat

Beslutning

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 16.29

